

PROBLEMATTA
PHLEBOTOMICA,

EXGALENI
LIBRO DE CURANDI
RATIONE PER SANGUINIS
MISSIONEM DE PROMPTA, ET

AD MENTEM EIUS DE-
CISA:

*Publici ac solennis exercitiij gratiâ in inclytâ
Argentoratensium Academiâ
proposita*

à

MELCHIORE SEBIZIO, DOCTO-
re ac Professore Medico, & Rei-
publ. Archiatro:

Respondente

ANTONIO KISLINGIO
Zittaviâ - Lufato.

Mense Martio horis locq, solitis.



ARGENTORATI,
Typis JOHANNIS REPPHII,
ANNO M. DC. XXXI.

1873 JAN 13

MEMORANDUM

TO THE SECRETARY OF THE INTERIOR

FROM THE COMMISSIONER OF THE GENERAL LAND OFFICE

SUBJECT: [Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

[Illegible]

PRÆLOQUIUM.



Consilium Galeni est, l. de cur. ratione per sanguinis missionem c. i. eum, qui rectè ac cum fructu venæ sectionis remedio uti volet, sequentia capita probè nôsse, secûmq; etiam atq; etiam perpendere debere.

I. Quinam corporis affectus vacuationem requirant?

II. Qui affectus eam vacuationis speciem, qua fit per sanguinis missionem, postulent? Multi enim sunt, qui vacuatione quidem egent: sed non eâ, qua per sanguinis detractionem instituitur.

III. Qui homines hanc vacuationem citra noxam ferre queant? Sæpè enim accidit, ut ipse quidem affectus sanguinis missionem flagitet: æger verò eam, vel propter ætatem, vel propter anni tempus, vel propter regionis naturam, vel propter oris ventriculi naturam & afflictionem, vel propter universi corporis habitum tolerare nequeat.

IV. Quo tempore sanguinis detractio instituenda?

V. Quæ venæ secandæ? Gravis enim deus apud Medicos est controversia. Alii enim nullum venarum delectum adhibendum statuunt: sed omnes ex æquo omnibus prodesse affectibus contendunt. Hippocrates autem & clarissimi quiq; medendi artifices multum interesse arbitrantur, hæc an illa vena incidatur?

VI. Quâ mensurâ & quantitate sanguis vacuandus?

VII. In quibus semel sanguis mittendus: & in quibus repetita facienda ablatio, quam ἑπανάληψις vocant?

VIII. Quibus usq; ad animi deliquium sanguis mittendus? & in quibus ejusmodi vacuatio, tanquam summè detrimetosa, vitanda?

Hæc ergò capita & nos jam perpendemus, atq; ad propositas
questiones secundum Galeni mentem ex libello allegato & me-
dendi methodo breviter ac succinctè respondebimus.

Q U Æ S T I O I.

Quæ corporis affectiones vacuatio- nem requirant?

AD hanc questionem Galenus respondet cap. 4. l. de cûr.
rat. per S. M. proculdubio sequitur Hippocratem aphor.
22. sect. 2. ubi docetur, vacuatione curari illos morbos, qui fiunt
ἀπὸ πλεθμονῆς, à plenitudine. Ratio extat apud eundem in libro
de flatibus: quia contraria contrariorum sunt remedia. Statuit
autem Galenus, vacuationem postulare illos affectus, qui à vitio
humorum & vaporum sunt profecti. Vitium verò istud humorum
duplex est: alterum in quantitate: in qualitate alterum. Vitium
in quantitate πλεθωρα appellatur: quæ duplex: una πρὸς τὸν δόναμιν,
ad vires; cujus signum est gravitas: altera κατὰ τὸ ἔχχυμα, ad va-
sa; cujus nota est tensio. Utraq; rursus ratione subjecti, vel univer-
salis est, vel particularis. Illa corpus totum, aut plerasq; illius
partes: hæc unam duntaxat partem occupat. Vitium humorum in
qualitate κακοχρυσία nuncupatur. quæ similiter, aut universalis
est, aut particularis: qualis sæpè in ventriculo se offert, cujus causâ
aut morsum, aut nauseam, aut ciborum fastidium, aut absur-
dum appetitum quandoq; sentimus. Vapores, sive spiritus flatu-
lenti partibus sæpè sunt inclusi, in iisq; quantitatis, aut qualitatibus
ratione acutos dolores pariunt. Itaq; in omnibus affectibus corporis
qui ab hisce, tum humorum, tum vaporum vitii originem duxe-
runt, vacuatione opus est: non quidem semper per venæ sectionem:
sed sufficere etiam potest purgatio, frictio, balneum, inunctio per di-
gerens remedium instituta. Quod si queratur, cum plethora utraq;
etiam in sanos cadere queat, utrum sani quoq; vacuandi? Respondet
Galenus, utramq; plethoram in utroque subjecto, sano pariter

& egro, vacationis egere. Vbi enim est indicans vacationis, ibi etiam vacuatio, tanquam indicatum, locum habet.

Q U Æ S T I O. II.

Qui affectus eam vacationis speciem,
quæ dicitur sanguinis missio,
postulent?

Ex hoc & aliis Galeni libris, præsertim verò ex methodo medendi, colligere licet, vena sectionem iis in affectibus administrandam esse, qui ab aliquo notabili effatug, digno sanguinis vitio dependent. Hoc verò, vel est in substantiâ, vel in quantitate, vel in qualitate, vel in motu. In substantiâ, cum est putrefactus. In quantitate, cum ita auctus, ut vel vires gravet: vel vasa distendat. In qualitate, cum fervet & quasi ebullit. In motu, cum impetuosius ad partem, vel debilem, vel calefactam, vel dolore afflictam, affluit, aut affluxurus est brevi. Putrefactus est in synochis putridis. Auctus in plethorâ utrag, & affectibus iis, qui ex illa nati: cuiusmodi sunt synochi putredinis expertes. Fervet in iisdem febribus, & cum ab astuariis, balneis, insolatione, cibis, potibus & medicamentis calorisficis, corporis exercitatione vehementiore, irâ & excandescentiâ prohibuâ ventilatione & transpiratione, accensus est atq. inflammatus. Affluit, aut affluxurus est brevi in partium inflammationibus, vulneribus, ulceribus, fracturis & luxationibus ossium, nervorum puncturis, contusionibus, distorsionibus & c. in quibus affectibus sanguis, vel propter partis afflicta calorem, vel propter vehementem dolorem impetuosè quantòq. accurrere solet. Itaq. sanguis in illis mittitur, aut *ῥανώσας*, aut *καταλύσας*, aut *ἀρτιόπνοσας*, aut *παραχρυσώσας ἐνέκας*. Est enim vena sectio, & vacuatorium, & refrigeratorium, & revulsorium, & derivatorium præsidium. Perperam proinde docuerunt olim. Methodici, venam in solâ syndrome plethoricâ & sanguinis abundantia secandam esse. Hoc enim si verum esset, sequeretur, præsentè plethorâ, venam semper tundendam esse: & absente, sanguinem nunquam

detrahendum. Atqui videre licet sanos, nec adhuc quicquam la-
 sos, in quib. sanguinis est redundantia, quæ tamen non statim phle-
 botomiam postulat: sed aliâ in altis vacuatione tolli potest: v. g. vel
 inediâ, vel cibi parcitate, vel balneo frequentiore, vel exercitatione,
 vel multâ frictione, vel lenitione alvi crebrâ, vel purgatione. De-
 inde cõsultũ videtur etiam ipsis Empiricis, ut ad sanguinis missionẽ
 confugiatur, cum quis vel lapsus est ab alto: vel vehemẽter aliquâ in
 parte contusus; quanquã idem ante lapsũ, plagãve, fuerat sanus, &
 plethora prorsus expers. Gal. l. de S. M. c. 8. & l. 4. meth. med. c. 6.

Q U Æ S T I O III.

Quæ ætates venæ sectionem benè &
 citra noxam, quæ eandem
 malè ferant?

Benè fert sanguinis missionem ætas florens, siue juvenilis:
 quia virium robore pollet: teste Galeno l. de cur. rat. per S. M. c. 9.
 Non fert eam facillè puertlis: ut etiam habetur l. 13. meth. med.
 c. 11. Rationem dat l. 9. c. ult. quoniam omnium facilimè digeritur
 ac dissipatur. Est enim omnium humidissima. Non ergò vacuantis
 præsidiũ eget: cum habeat ex se ipsâ, unde naturaliter vacuetur.
 Idem monet lib. II. meth. med. c. 14. ubi scribit, puero ante 14. æ-
 tatis annum sanguinem detrahendum non esse: eò quòd propter
 temperamenti caliditatem ac humiditatem plurimum corporis sub-
 stantia quotidie defluat ac digeratur: adeò ut quod ex incidendâ
 venâ moliendum nobis est, id ultrò nobis ex corporis naturâ præs-
 tur. Quod si post 14. annum multus congestus sit sanguis, vigeatq;
 tempus vernum, & regio sit naturâ temperata, pueriq; constitutio
 sanguinea, venæ sectionem admittit, l. de cur. rat. per S. M. c. 13.
 multòq; magis, si aut peripneumonia, aut angina, aut pleuritidis,
 aut alterius acuti gravisque mali periculum incumbat. Ætas
 senilis ad venæ sectionem inepta est: idq; propter virium infirmi-
 tatem & ἀσθενίαν. Quia verò non omnium senum eadem ratio
 est,

est, idèò subdit Galenus loco jam citato, distinguendum esse inter senes. Esse enim pulsum validum & aequalem haud fallax robustarum virium indicium: ex abundanti autem & magnum. Quare si talis pulsus etiam in septuagenario appareat, affectusque jubeat, venam secandam precipit Galenus. Repetiri enim quosdam, & in hac etate, qui multi sint sanguinis, virèsg, habeant robustas: plerosq, verò siccos & sanguinis pauci esse. Proinde, nō numero annorum solummodò antmum aduertendum esse, ut quidam faciunt: sed & corporis habitui. Esse quippe, qui venæ sectionem non ferant etatis anno sexagesimo: cū quidam, qui 70. annos nati sunt, eandem facile sustineant. Addit tamen, septuagenariis senibus minùs detrahendum esse, etiamsi eadem affectione laborent, quàm corpori in florenti etate constituto. l. de S. M. c. 13.

QUÆSTIO IV.

Quod anni tempus ad sanguinis missionem accommodatissimum?

Temporis habendam esse rationem in venæ sectione, l. 9. meth. med. c. ult. docemur. Eligit autem Galenus in prophylactica phlebotomia vèrnum: quemadmodum ex l. de S. M. c. 7. liquet: sequutus Hippocratem aphor. 47. sect. 6. ubi dicitur, quibus venæ sectio, aut purgatio convenit, iis vere secandā venam esse, aut purgationem consulendam. Subdit Galenus in commento, sermonem Hippocrati esse de iis, qui adhuc sani sunt, sed agri futuri, nisi vacuentur. Hos enim oportere, ut anticipemus vacuare aduentante vere, vel per venæ sectionem, si plèthora affectibus sint obnoxii: vel per purgationem, si expositi iis, qui ex κακοχολία proveniunt. Nam non solum, ubi jam adest morbus gravis, inquit Galenus. l. de S. M. c. 9. sanguinis detrahendi tempus est: sed etiam ubi futurum suspicamur. Anteuertit enim Hippocratis doctrina, quā nos docet, quæcūq, morbis jam præsentibus rectè perageremus, melius esse,

esse, ut ipsa morbis incipientibus, aut imminetibus, antevertendo faciamus. Hinc c.7. libri ejusdem scribit, eos omnes, qui cruenta exspuitioni, epilepsia, apoplexia, peripneumonia, pleuritidi, angina, morbis plethoricis aliis; adhuc passionibus oculorum, vertigini, podagra, arthritidi, obnoxii sunt, veris statim initio vacuandos esse. Et testatur ibidem sancte, cum pluribus se vehementer profuisse, quibus prophylacticam veris tempore vacuationem adhibuisset: in vitiis quidem ex *κλῶν* profectis purgationem: in plethoricis autem phlebotomiam. Quod ipsum specialibus quibusdam historiis comm. 6. aphor. 47. declarat. Causa autem, cur verum tempus ad utramq. vacuationem sit aptissimum, est quintuplex. I. Quia temperatum est. II. Quia eo natura humana ob sanguinis & caloris ubertatem est valida atque robusta. III. Quia humores ob aëris tepiditatem liquantur & funduntur. IV. Quia fusi moventur. V. Quia natura ipsa verno tempore profundum corporis expurgare solet. Felicius ergo vacuatio succedit, cum naturam habemus adminiculantem. Aestas, ob virium dissolutionem, ad vacuationes ejusmodi apta non est: praesertim ad fortes purgationes. Hinc scribit Hipp. aphor. 5. l. 4. sub cane & ante canem purgationes esse difficiles. Causam reddit Galenus in comm. triplicem. I. Quia natura aestivo calore exusta purgantium medicamentorum acrimoniam non fert. II. Quia eadem ob aestum debilis est, magisque à medicamento debilitatur. III. Quia purgatio fit prava, ob contrarios motus. Nam aestivi aëris calor humores trahit à centro ad circumferentiam, non secus ac balnea calida: contrarium facit catharticum. Hyeme humores concreti, fixi, quietique latent in corporis profundo. Principium Autumni simile est aestati. Adest praterea magna in eo inequalitas, quae humores conturbat: & humores recipere se incipiunt ad interiora.

Q U A E S T I O V.

Quæ regio sanguinis detractioni sit apta: quæ inepta?

Regionis naturam considerandam hinc esse, monet Galenus

tum l. de S. M. c. 1. 6. & 13. tum l. 9. meth. med. c. 17. iterum Praeceptorem Hippocratem imitatus sect. 1. aphor. 7. ubi scribit, & in purgationibus, & in vomitionibus, & in quavis aliâ κενώσας, vasorum depletionem, ac consequenter etiam in sanguinis missione, habendam rationem esse regionis, temporis anni, ætatis, & morborum. Quemadmodum autem ver propter εὐερασίαν ad vacationes est opportunissimum: reliqua anni tempora propter ἀνρασίαν non item: sic regio temperata ad easdem valdè accommodata est: intemperata, tum fervida, tum gelida, minùs. Causa patet ex problematis præcedentis decisione.

Q U Æ S T I O VI.

Quid Galenus per κένωσιν τοῦ σώματος & τῆς γαστρὸς intelligat?

Scribit Gal. c. 1. l. de S. M. accidere quandoq, ut affectus quidam sanguinis missionem postulet: eam verò æger διὰ κένωσιν τοῦ σώματος & τῆς γαστρὸς, propter os ventriculi vitiatum, ferre nequeat. Quæritur ergò, quid sibi per κένωσιν illam velit? Videtur autem mentem suam explicare comm. 1. aphor. 23. & innuere humores acres atq, mordaces, vel ante vacationem jam in orificio ventriculi, quod & στόμαχον appellari asseverat, coacervatos: vel in ipso vacationis actu ad ipsam delatos. Horum enim causâ non rarò patientes in λευκοθυμίαν incidunt. Libro 9. meth. med. c. 5. per κένωσιν istam tria inaudire videtur: vel bilem flavam orificium dictum infestantem: vel ipsius orificii imbecillitatem: vel nimium illius exquisitumq, sensum.

Q U Æ S T I O VII.

Qui corporis habitus venæ sectionem faciliùs, qui difficiliùs ferat?

Universalis totius corporis habitus in illis maximè spectatur

partibus, inquit Galenus in *μικροτέχνη* c. 50. quæ primæ oculis subiiciuntur: cuiusmodi sunt musculi, ossa ambientes, quæ carnes sunt compositæ ex carne primâ & simplici, & fibris, quas ipsa conuestit. Est verò habitus nil aliud, quàm ipsa *κατασκευὴ τῶ σώματος*, per quam raro, aut denso: molli, aut duro: gracili, aut pingui: glabro, aut hirsuto: crasso aut tenui: albo, aut nigro corpore quis esse dicitur. Illius Galenus sapius meminit, & diligenter in vacuationibus, præcipuè verò sanguinis detractionibus, considerandum monet: velut ex l. de S. M. c. 1. 6. 11. 13. & 14. l. 9. meth. med. c. 5. & ult. & l. 1. ad Glau. c. 14. patet. Facilius autem, & largiorem quidem sanguinis missionem sustinent, quibus habitus corporis est densus, quàm rarus: durus, quàm mollis: mediocriter gracilis, quàm pinguis & abesus: hirsutus & niger, quàm glaber & albus. Ratio est: quia raro corpori multa accidit per halitum digestio: denso atq; compacto pauca. Eadem ratio est corporis mollis ac duri: quorum illud faciliè & largiter: hoc minùs à naturâ vacatur. Corpus glabrum, pingue, & candidum venas habet angustas, spiritus paucos, sanguinem modicum, debilemque calorem, qui celeriter levem ob causam destruitur. Corpus gracile contraria modo se habet: ut colligitur ex comm. 6. aphor. 2.

QUÆSTIO VIII.

Quo tempore sanguinis missio instituenda?

Vene sectio aut *προφυλακτικὴ ἐννεα* administratur in sanis: aut *θεραπευτικὴ χάριν* in agris. Quo tempore prophylactica phlebotomia instituenda sit, dictum fuit questione 4. Quo exercenda therapeutica, nunc docendum. Est verò tempus istud duplex: universale morbi & particulare diei: certa scil. illius hora. Quo morbi tempore sanguis detrahendus sit, explicat Gal. multis capitibus l. de cur rat per S. M. vultq; in principio statim vacuandum esse. Nam c. 5. utramq; plethoram *διὰ τὸ λείαν*, festinè, minuit: quoniam plethora ad vires faciliè in putredinem abit, & tumores in partibus creat.

Pl.

Plethora verò ad vasa sapius in partes decumbit, & similiter tumores in illis parit. Adhuc, & apoplexias, & venarum ruptiones molitur. Cap. 8. ἐν πλεγμασὶ ἀσχομένην sanguinem revulsione ergò mittit. Cap. 9. incipiente morbo magno sanguinem eximit. Cap. 11. in narium hemorrhagiâ v. sectionem, tanquam revulsorium præsidium, adhibet maturè, cum scil. virtus adhuc valet. Cap. 12. in febribus acutis, quas ferventis sanguinis copia accendit, τὰχιστα, quàm ocysimè sanguinem detrahit, priusquam in principem aliquam partem is decumbat. Ridendam proinde illorum opinionem esse tradit c. 20. qui docuerunt, post tertium demùm diem, cum scil. & species, & mos, & natura tota morbi cognita est, venæ sectionem celebrandam esse. Sed hîc quæritur, num exactis diebus trib. aut 4. venæ sectio præcipienda? Respondet Galenus cap. 20. fieri aliquando, ut Medicus tardius accersatur: sed tamen non dierum numero attendendum esse: sed potius ad indicans venæ sectionis respiciendum. Quocumq. enim die mittendi sanguinis scopi in laborante se obtulerint, in eo auxilium istud adhibendum esse præcipit, etiam si vel vigesimus is ab initio extiterit. Concludit ergò, maturandam esse S. missionem, in quib. ea est ex usu: considerandum solum, num corruptio aliqua cibi, qui in ventriculo concoqui debuerat, facta sit: aut tarda concoctio: aut etiam cibi in eo contineantur: aut succi crudi in primis venis deliteant? Tum eximam diu v. sectionem suspendendam, donec cruditas sit concocta, aut ἀναρροή prima corporis regionis exhausta. Quod ipsum etiam Galenus l. 9. meth. med. c. 5 & l. 11. meth. med. c. 14 & l. de cur. rat. ad Glaucon c. 14. nec non l. de cur. rat. per S. M. c. 6 9. & 10. innuere videtur. Particulare tempus, siue partem, horamve diei quod attinet, scribit Galenus l. de cur. rat. per S. M. c. 21 fuisse quosdam, qui statuerint, manè tantum tundendam esse venam: aut ad summum in horam usq. quintam, sextamve. Verum, ridiculum hoc esse idem ibid. cap. 12. monet: fateturq. ingenuè, graviter se in illos animadversurum fuisse, si idem tempus etiam in aliarum medicinarum exhibitione observassent. Cum verò soli sanguinis detracti-

oni matutinum tempus, quod à secundâ diei horâ usq. ad quintam, aut sextam exporrigitur, assignârint: reliqua verò prasidiorum genera quavis diei noctisq. horâ usurpârint, scil. pro ut affectus postulaverat: tolerabilem hunc illorum fuisse errorem perhibet. Est igitur Galeni sententia de horâ vene sectionis cap. 21. ista: quòd ea celebranda sit in ἀπορροιαῖς intermittentium febrium: in ἀντιστάσει, siue remissione, continuarum: in acutissimis verò febribus, quas feruentis sanguinis copia accendit, quales sunt πυρετοὶ, quavis diei noctisq. horâ. Ait enim cap 12. ne noctu quidem hisce in febribus vene sectionem extimescendam esse: sed quàm ocysimè vacuandum, priusquam sanguis fervidus in principem aliquam partem decumbat. Se quippe noctu servo cuidam, putridâ laboranti πυρετοῖ, sanguinē usq. ad animi deliquium, magno cum successu detraxisse, l. 9. meth. med. c. 4. testatur. In affectibus aliis, qui febre carent, & remissionem efflagitant, magnitudinē aut doloris, aut phlegmones, aut totius affectus, ponderandam monet. Cùm nihil horum, aut urget, aut prohibet, prastare arbitratur, si matutino tempore vena aperiatur: & quidem patientibus haud protinùs ex somno excitis: verùm circiter horam unam jam antea vigilantibus. Expedire etiam quibusdam asserit, ut ante vene sectionem, vella vacro utantur: vel mediocriter se moveant, atq. obambulent. Qui non ὁρεσπίας, sed προφύλαξιν ἔτεκε, inenunte vere sanguinis missione habebant opus, iis eandem instituisse se dicit, postquam rerum solitarum quippiam obiissent, vel in ludo literario, vel in officinis, vel in adibus.

Q U Æ S T I O IX.

Quæ venæ quibus affectibus secandæ?

Notorium est, vene sectionem prasidium esse ἀντισπαστικόν, παροχευτικόν, & κενωτικόν. Cùm vena secanda ἀντισπαστικὸς, revulsio-
nis ergò, uti secanda in principis inflammationum, eligendus locus, qui & inflammata parti κατ' ἴξιν respondeat: & ab eâ longè sit re-
motus.

motus: & eidē quoq; contrarius. Sic enim docet Galenus l. 13. meth. med. c. 11. Quod vena κατ' ἴξιν incidenda sit, probat Galenus l. de cur. rat. per S. M. c. 15. & 16. partim auctoritate Hippocratis, qui hanc secandi rationem diligenter observavit: partim verò experientia. Nam quibus cunctis, inquit, κατ' ἴξιν; scilicet, quod idem, κατ' ἴξιν eruptio sanguinis accidit, summum id commodum laborantibus adfert. Quibus verò ἀνὰ πάλιν, contrā, evenit, nihil juvat: aut etiam interdum nocet; quòd scilicet vires citra morbi levamen deficiat atq; exolvat. Non enim in liene turgente ex dextrā nare erumpens sanguis; nec in hepate ex sinistrā, ullam adfert utilitatem: sed revulsio, quibus κατ' ἴξιν adhibetur, evidentem utilitatem celeriter ostendit: quibus ἀνὰ πάλιν, non item. Dextrā igitur nare sanguis erumpens, ad dextram hypochondrium fixā cucurbitulā, evidenter velocitēq; sistitur: sicut ad sinistram, ex sinistra erumpens. Quod si revulsionis causā venam tundas, in directē quidem oppositis sanguinis eruptionibus citissimē manifestam videbis utilitatem: at si contrā feces, nullam. Idem asseverat cap. 16. additq; venam κατ' ἴξιν sectam adeò praesens saepe remedium esse, ut & egrotantes, & adstantes haud rarò obstupecant. Id quod cap. 17. eleganti historiā declarat. Liberaverat enim divitis cujusdam Romani Oeconomum ab inflammatione & fluxione oculorum maximā, nec non à dolore eorum insigni: idq; intra spatium paucorum dierum. Venā κατ' ἴξιν sectā humerali in brachiis, sanguinēq; intra 5. horas bis evacuato: primā quidem vice ad libras tres: secundā verò ad unam. In pleuriticis, inquit idem Gal. c. 16. sanguinis missio è directo laborantis lateris adhibita evidentissimam saepe utilitatem attulit: ex opposito verò brachio, aut omninò obscuram: aut certè post temporis intervallum. Oculorum dolores gravissimos, subdit idem, sectio venae è directo, quam externam, humeralem & cephalicam appellant, intra unius horae spatium per saepe compefcuit. Dolentibus igitur oculis secanda vena humeralis: Affecto verò latere, aut pulmone, aut septo transversō, aut liene, aut hepate, aut ventriculo, vena, quae per alas ad cubiti juncturam pertingit, & maximè interna:

quæ à nostratibus basilica vocatur, tundenda: aut mediana. Hi enim sunt tres loci mittendi sanguinis ex cubito: interior, exterior, & medius. Interioris, siue basilicæ sectio utilis est in iis, quibus partes collo inferiores patiuntur. Exterioris, quæ cephalica & humeraria dicitur, in illis, quibus partes thorace superiores laborant: ut caput, aut facies. Medius locus interdum utraq; cephalicam scilicet & basilicam, diductus habet in ulteriorem brachii partem tendentes, ac deinde hic coeuntes: aliquando verò in unam mutuo congregientes, in ipso statim junctura flexu: ac nonnunquam earum alteram obscuram: alteram manifestam & conspicuam. Neg, enim eodem semper modo ramos diffundunt. Ubi igitur, inquit idem, vena, quæ parti affecta propria est, obscurior fuerit, ad aliquam mediarum accedendum; sed ad eam, quæ à propria diducitur. Licebit etiam venas, quæ infra cubiti flexuram sunt, secare: cum scilicet, quæ in cubito sunt, non apparent: sed eas, quæ nat' i' laborantibus partibus respondent. Ex his liquet, quæ vena incidenda sint, si partes vel thorace superiores, vel etiam in ipso thorace contentæ laborent: nimirum illa, quæ sita sunt in cubito. Significandum nunc, quæ aperienda, si partes affectæ infra thoracem constiterint; cujusmodi sunt, coxendix, uterus, vesica & renes. In harum autem partium affectionibus, vacuationis & derivationis ergò tundenda venæ sunt poplitæ & malleolorum. Renes tamen ancipites videntur, & medio quasimodo se habent. Sunt enim inferiores capite, collo, & thorace: superiores autem coxâ, utero & vesicâ. Quare levamen aliquando ex venarum cubiti sectione sentiunt: cum nimirum inflammatio recens est, adestq; sanguinis copia. In nephritide verò propriè dictâ, aut poplitæ vena tundenda, aut aperienda illa, quæ in malleolis consistunt. Id quod etiam faciendum in inflammationibus uteri, quæ jam aliquo usq; progressæ, ac propterea tum derivationem, tum vacuationem postulant. Nam quæ ex venarum cubiti incisione evacuationes fiunt, sanguinem ad superiora retrahunt, mensesq; supprimunt. Quæ verò fiunt ex poplite & malleolis, tantum abest, ut retrahant, ut etiam menses promoveant. Quod si hos movere

animus

animus sit, tribus quatuorve dieb. ante consuetum menstruationis
 tempus, aut malleoli scarificandi; aut vena in poplite, talove secan-
 da: idq. duobus deinceps diebus faciendum: uno quidem in dextro:
 altero verò in sinistro pede. Hiscetamen diebus, quibus vacuatur,
 & ante illos 4. aut 5. extenuans victus procurandus. In ischiade,
 sive dolore coxendico, non ex frigore, sed impletis sanguine,
 que in coxâ sunt, vena, vacuatio ex venis cruralibus necessaria est.
 Commodior tamen est sectio vene poplitea, quàm malleolorum. Sca-
 rificatio autem non predest evidentem. Ut summatim dicamus, in
 quit Galen. l. de cur. rat. per S. M. c. 19. incipientibus inflamma-
 tionibus ἀρτιοπαισιs debetur: inueteratis autem νέωσις & παροξίνωσις.
 In illis enim avertere convenit, quod influit: in his id evacuare,
 quod est affecta parti infixum. Revellitur autem & avertitur quod
 influit, si trahatur ad longinqua & ad contraria, sectâ venâ illâ,
 que κατ' ἔξω parti laboranti respondet. Evacuatur autem, vel ex
 ipsis, si fieri potest, partibus affectis: vel, si nequeat, saltem ex vici-
 nis: nempe per venas conjunctas cum illis, que in partibus affectis
 sita sunt. Quocirca in principio inflammationum faucium & ar-
 terie asperæ, hoc est, in anginâ, sectio vena cephalica, que in cubito
 est, & raminarum, quæ sub linguâ latitant, mirifice auxiliatur.
 Illius quidem in principio, cum fluxio adhuc viget: quia divertit:
 harum verò in progressu, cum fluxio cessavit: quoniâ evacuat. In-
 flammatio oculorum, ὀφθαλμία Græcis appellata, vel invetera-
 ta est: vel incipiens. Illi competit vacuatio: huic revulsio. Vacua-
 tio fit ex illius vena sectione, que ad magnum oculi est angulum.
 Non enim ex ipso oculo, quod est impatiū, evacuare licet. Ideoq.
 vacuandum ex venâ maximè vicinâ. Revulsio fit, sectâ venâ ce-
 phalicâ, κατ' ὠδὸν inflammato oculo respondentem: ut constet ex curâ
 Oeconomi c. 17. propositâ. Capitis gravitas magnusque dolor,
 aut incipit, aut viget, aut jam aliquandiu duravit. Incipientem
 vigetēmg. cucurbita occipiti, vel cum, vel sine scarificatione affixa,
 compefcit: quoniam revellit: & quidem cum successu felici, si prius
 totum corpus sit vacuatum. Nam si corpus sit πληρωμένον, ait Gale-
 nus

nus l. 13. meth. med. c. 19. in quacung; capitis parte cucurbitam
defixeris, totam ipsam implebis. Diuturnum verò, dummodò ex
plenitudine contractum, vena frontis secta leuat: quia vacuat
atq; derivat. Eadem ratione incipientes occipitis dolores, aut e-
tiam vigentes, incisa vena frontis iuvat: sic etiam monente Hippo-
crate aphor. 68. s. 5. quoniã avertendo simul vacuat: teste Galeno
in commento. Duo enim præcepta hîc diligẽter notanda: Unum:
quòd incipientibus fluxionibus & inflammationibus revellendum
sit cum vacuatione. Alterum: quòd in inflammationibus inuete-
ratis, cum dolor remisit, fluxiõq; desiit, & inflammationes, ob indu-
ratas humorum impactorum reliquias, velut scirrhi naturam re-
ferunt, ex ipsis laborantibus partibus, aut illis vicinis, vacuan-
dum.

Atque hæ venæ secandæ sunt, cum partes ipso jam actû
laborant. Quod si rogetur, quæ ergò incidenda, quando cor-
pus nondum ægrotat: sed ne ægrotet, verno tempore sanguinem
sibi mitti πρὸς ὑλὰς ἐν ἐκείνῃ curat? Respondet Galenus l. de cur.
rat. per S. M. c. 19. per distinctionem. Etenim corpus aut ita com-
paratum est, ut nulla ejus particula malè habeat: aut sic constitu-
tum, ut membrum aliquod, nisi vernali tempore vacuatio celebre-
tur, præ ceteris afficiatur. In priori statu nil referre dicit, quâ in
parte vena secetur: dummodò redundantia sanguinis tollatur. Et
in hoc casu positi sunt illi, qui quotannis æstivo tempore febribus
corripi consueverunt. In posteriori autem non aquè ex quavis par-
te vacuare licet. sed quemadmodum in iis, qui jam ægrotare inci-
piunt, plurimum refert, quam venam tundas: sic, ubi una aliqua
particula præcipuè affligitur, haud parum interest, ubi vena sectio-
nem administres. Nam podagrici v. g. vacuandi sunt ex cubito:
epilepsiæ & vertigini obnoxii potius ex cruribus. In retentio-
ne hæmorrhoidum, siquidem eas retentas servare ac suppressere
sit animus, venæ brachii secandæ: sin provocare, crurum. Quibus
suppressi sunt menses, crurum venas aperiant semper: nunquam
brachiorum. Dispar quippe ratio mensum est & fluxus hæmorrhoi-
dalis.

dalis. A menstrua enim purgatione nemo vult liberari. Naturalis siquidem est, & nil mali ex ea metuendum. At liberaretur ab ea, si vena brachii tunderetur: quoniam sanguis retraheretur sursum. A fluxu vero hemorrhoidum quidam cupiunt esse immunes. Est enim in quibusdam suspectus, & in tantam evadit immoderationem, ut vel hominem prorsus interimat: vel hydropicum, aut cachecticum reddat. Ideoque, haud immerito praeavetur sectione venarum cubiti. Quod si objicias, idem periculum etiam imminere ex purgatione menstrua: quoniam & ipsa aliquando enormis esse solet. Respondet Galenus, istud quidem interdum fieri: sed p.n. & in causa esse venarum erosionem. Ideoque, sanguinem immoderatus erumpentem sisti: non sicuti naturaliter fluentibus cursum suum permitti. Quae dicta de vena vacuatione prolixius, hoc ἐπιλόγῃ breviter comprehendit Galenus. Qui incante vere sanguinem mittere intendunt, siquidem partem aliquam habeant insigniter infirmam, in quam, quae colligitur plenitudo, decumbat, ἀνίστασθαι vacuare debent. At si nulla pars praeter ceteris plus affligatur, ex quacunque parte placuerit, vacuare possunt: suppressione tamen hemorrhoidum & mensum excepta in qua illa vena secanda, quae modo recensita. L. de cur. rat. per S. M. c. 19.

Q U A E S T I O X.

Quam mensuram sanguis vacuandus?

Galenus l. de cur. rat. per S. M. multa proponit, quae evacuandi sanguinis mensuram determinare scribit: nempe affectum, cuius causa sanguis detrahatur, vires, et aetatem, anni tempus, regionem, consuetudinem, praecedentem victum in quantitate & qualitate, habitum corporis, motus, quos quis exercuit, excretiones, quas quis habuit, aut praeter solitum compescuit: quemadmodum ex cap. 6. 9. 13. & 14. liquet. Verum sciendum, unum esse, quod proprie sanguinis detrahendi quantitatem indicat, actionem, siue vehemen-

tiam & magnitudinem vitii sanguinis: reliquas circumstantias, vel permittere solum, aut prohibere quantitatem vacuandi sanguinis, à quantitate, siue magnitudine vitii sanguinis indicatam: vel parciolem saltem suadere: vel iteratam postulare, ut vires: vel indicantis magnitudinē, viriumve robur patefacere: ut quæ præter vires commemorata sunt circumstantiæ. Sed sumamus indicantis vocem in latiore significatione, more Galeni, & quid quilibet eorum, quæ narrata sunt, ad definiendam vacuandi sanguinis mensuram conferat, edisseramus. Largiore manu detrahendum esse sanguinem suadent, affectus magnitudo, virium robur, ætas florens, anni tempus verum, regio temperata, subiectum vacuationibus assuetum, habitus corporis modicè gracilis, qui neg. candidus, neg. molli tenerq; carne præditus, & cui venæ sunt amplæ: adhuc, corpus mediocribus deditum motibus, & cui consuetæ solennisq; aliqua sanguinis vacuatio, vel per nares, vel per venas uterinas, aut hæmorrhoidales est suppressa: quodq; cibus, & multus, & multum nutrientibus fuit usum. Contrà, parcius vacuandum monent: affectus exiguitas, virium infirmitas, ætas, tum puerilis, tum senilis, anni tempus æstivum, ea potissimum ejus pars, quæ est sub canne, & ante canem, regio præcalida, subiectum vacuationibus inassuetum, habitus corporis pinguis, candidus, mollis & delicatulus, cui venæ sunt angustæ & parvæ: corpus, quod laboribus & exercitiis assiduus per habitum corporis sensibiliter, aut insensibiliter quotidie vacuatur; item, cui nulla sanguinea excretio est repressa, quodq; paucis, parumve nutrientibus cibus fuit altum.

Idem Galenus libro eodem cap. 14. iriæ proponit signa, quæ si adsint, ab ulteriore vacuatione abstinendum præcipit: nimirum sanguinis mutationem, & in colore, & in consistentiâ: labascens fluxionis robur, & pulsus mutationem. Mutationem sanguinis dicit potissimum attendendam esse in partis alicujus inflammatione: idq; ex mente Hippocratis l. de vict. acut. quando de pleuritide verba facit. Alius quippe sanguis est, qui in phlegmone continetur, ab eo, qui secundum naturam est: utpote plus excofactus.

Nam:

Nam si antea crudior erat, rubicundior modo & flavior efficitur. Sin ejusmodi prius fuerat, ad nigredinem vergit adustione. Proinde Hippoc. de pleuriticis comm. 2. t. 10. hunc in modum scriptum reliquit: secunda in cubito vena interna; nec verearis multum detrudere, donec rubicundior flaviorq; multo fluat, aut pro puro & rubro lividus; utrumq; enim evenit. Signum quippe est, sanguinis aliquid in sectam venam assumptum esse. Ex *αρισθωσι* tamen Galenus subjungit, monetq; non semper hanc expectandam esse sanguinis mutationem: sed aliquando etiam ante illam cessandum: idq; duplici nomine: nimirum cum vires sunt infirmæ: aut phlegmone maligna: in qua sanguis adeo fortiter est constrictus, ut nihil ab ea emittatur. Si tamen vires exolvi vacuatione nondum videantur, (id quod scies ex pulsu, & ætate florenti) expectari vult mutationem: maximè si aer sit temperatus. Labascens fluxionis robur hic intelligitur, non quando minori impetu sanguis fluit, vel ob agri pusillanimitatem: vel oris ventriculi morsum; vel sanguinis, qui in progressu vacuationis ad sectum locum fluit, crassitiem, aut glutinositatem: sed ob multitudinem sanguinis detracti. Mutatio pulsus signum est haudquaquam mendax. Quiescendum enim, & à sanguinis detractioe desistendum, cum is, non ex *κακώσιν* stomachi, neq; ex pathemate animi, alia ve causâ: sed ex vacuatione alteratur: & ex magno fieri incipit parvus: ex validolanguidus: ex aquali in aqualis.

Q U Æ S T I O X I.

In quibus semel sanguis mittendus: &
in quibus repetita facienda
detractio?

Cum vires constant, estq; sanguis vacuationis duntaxat gratiâ detrahendus, Galenus unâ vice tantum mittit, quantum magnitudo morbi exposcit: præsertim si malum sit præcept & periculum minetur. Hinc ubi fervescens inest sanguinis plenitudo, acutissimam accendens febrem, expedire scribit c. 12. l. de cur. rat.

per S. M. ut subito ac simul evacuatio instituatur: priusquam scilicet in principem aliquam partem ingruat. Cap. 5. ejusdem libri monet, plethoram κατὰ τὸ ἔχονα celeriter tollendam esse, priusquam magnum aliquod malum in homine admittat. Admittere autem solet, & tumores sanguineos, & venarum ruptiones, & nativi caloris extinctionem, & apoplexias. Hinc Hipp. aphor. 3. sect. 1. eandem μὴ ἀπαλείψας, haud cunctanter, solvendam innuit, si ad summum gradum sit perducta. Quod si affectus largam sanguinis vacationem requirat: vires autem sint debiliores, quam ut eam unâ vice ferre queant: sanguinem iteratis vicibus detrahendum suadet Galenus l. de cur. rat. per S. M. c. 12. l. 9. meth. med. c. 10. & l. de cur. rat. ad Glauc. c. 14. Sic enim, & affectui, & viribus consulitur. Illi, quia causa tollitur. His, quia interim dum suspenditur vacuatio, bonâ victûs ratione refocillantur. Oportet namq., inquit idem 9. meth. med. c. 10. paulatim, quod vitiosum est, vacuare; & paulatim, quod salubre est, pro eo reponere. Quam curam Graci ἐπιμαχίαν vocare solent: & quam idem Galenus l. de cur. rat. per S. M. c. 12. in crudorum humorum copiâ usurpat. Nam pauculo sanguine detractô, protinus crudeos crassôsque humores coquit, incidit atq., attenuat: rursusq., sanguinem minuit, vel ipso eodem nonnunquam die: interdum die postero: in quo denuò exhibet aliud coquentium, incidentium & attenuantium medicamentorû: iterûmq., de sanguine aliquid aufert: ac rursus tertio die similiter bis.

Iteratis insuper vicibus sanguinem demit, cum ἀντισπαστικὴν vena sectionem administrat. Sic enim scribit l. de cur. rat. per S. M. c. 12. Revulsio sæpè sectâ venâ instituitur: eòq., efficacior est, quò in plures particulares detractiones eam divideris. Natura quippe (addimus nos sapius per vena sectionem sollicitata, tandem assuescit, ut sanguinem ad locum contrarium convertat, afflictaâq., particulam missam faciat. Ejusdem repetita vena sectionis idem meminit ibidem, cap. 13. 16. & 21. Et hoc quidem postrema loco docet, quo intervallo vena sectionis repetitio instituenda. Distinguit enim

enim inter vacuationem & revulsionem. Cum simpliciter vacua-
re studet Galenus, vena sectionem eodem die iterat. Cum revel-
lere, vult, ut duobus deinceps diebus instituatur. Monet tamen,
& in sanguinis missione, simplicis vacuationis gratiâ celebrandâ
precipit, non tam ad eandem diem, quàm ad vires laborantis respi-
ciendum esse. Esse enim quosdam, quorum vires ad eò facile affi-
ciantur, ut confertam vacuationem ferre nequeant. Hos ergò pri-
mâ die post vacuationem refocillandos esse: & secundâ iterum va-
cuandos.

Q U Æ S T I O XII.

Quibus usque ad animi deliquium sanguis
mittendus: & in quibus ejusmodi va-
cuatio, tanquam summè de-
trimentosa, fugi-
enda?

Vacuationem sanguinis, qua fit usq; ad animi deliquium, pe-
riculosam judicat Galenus l. 9. meth. med. c. 10. Scribit enim
duos se vidisse agros, qui in ipsis Medicorum, durâ actionem sangui-
nis usq; ad κατὰ φύσιν aggressorum, manibus perierint. Multos, etsi
non protinùs, haud longè tamen post propter virium infirmitatem
interiisse memorat. Aliquos, debilitatâ prae nimîâ inanitione
virtute naturali, in chronicos incidisse morbos affirmat. Nonnullis
totius corporis temperamentum factum fuisse frigidius refert: cujus
causâ alii quidem quavis ex occasione sint lesi alii facti decolorati,
& κατὰ φύσιν passî: alii in morbos exitiales, v. g. hydropem, orihopnæ-
am, jecoris & ventriculi imbecillitatem, apoplexiam & paraple-
xiam precipitati. Idem l. de cur. rat. per S. M. c. 12. narrat tribus
accidisse Medicis, ut, cum sanguinem usq; ad κατὰ φύσιν mittere
vellent, agrotantes vitâ privârint. Hanc tamen largam & copi-
osam sanguinis evacuationem idem Galenus ibidem concedit, si
scil. vires eam permittant, & fervescens urgeat sanguinis copia,
C 3 qua

quæ acutissimam accendat febrim. Ait namq., novisse se quosdam, qui ex istâ inanitione fuerint à feбри liberati. Refrigeratos n. esse, & sudores erupisse corpore toto, alvi insuper profluvium supervenisse. Utile autem esse dicit, pulsuum diminutionibus animum advertere: quod fiet, si sanguine etiamnum fluente pulsibus manum admoveamus: ne videlicet nobis nec opinantibus pro λεπθυμία mors occupet: quod tribus accidit Medicis: quorum unus venam secuerat mulieri: reliqui duo viro: sed ad tantum animi deliquium duxere, ut vires recuperari non possent. Itaq., satius esse arbitratur, tam copiosis abstinere vacationibus, nisi magna incumbat necessitas. Virium autem robur perpetuò requirit, secutus Hippocratem aphor. 23. C. I. ubi dicitur, vacuandum aliquando esse μέχρι λεπθυμίας, ἢν ἐξ ἀρκίᾳ ὁ νοσίων, usq. ad animi deliquium, si agrotus par esse possit, hoc est, si tantum virium habere videatur, ut largam hancce vacationem sustinere queat. Et Galenus felicem istius vacationis eventum nobis monstrat in duobus agris, l. 9. meth. med. c. 3. & 4. quorum alter syncho laborabat putredinis experte: alter verò syncho putridâ. Caterum non solum in febribus hisce, quas feruentis sanguinis accendit copia; verum etiam in maximis inflammationibus, & atrocissimis doloribus, usq. ad λεπθυμίαν vacuandum censet, comm. i. aphor. 23. ὅς puta doloribus, qui vel à sanguine orti: vel affluxum sanguinis & inflammationem minantur. Id quod in iis maximè corporibus fieri solet, quæ sanguine abundant tenui & fervido.

Q U Æ S T I O XIII.

An cum doctrinâ de phlebotomiâ rectè
 conjungatur ea, quæ arteriotomian
 complectitur?

Enucleavimus quæstiones illas, quæ de phlebotomiâ in Galeni lib. de cur. rat. per S. M. continentur. Placet coronidis loco addere quædam de arteriotomiâ, quæ habentur in eodem postre-

mis

mis duobus capitibus. Rectè autem arteriotomia cum phlebotomiâ conjungitur, duabus de causis. I. Quia veteres arterias vocabant venas. II. Quia ambæ doctrinæ valdè sunt affines: teste eodem ibid. c. 22. Utræq; enim agit de incisione vasorum: utraq; sanguinis missionem sibi propositam habet: in utraq; de iis tractatur scopis, de quibus in phlebotomiâ actum: nimirum de quantitate vacuationis, de tempore, de loco sectionis, de ætate, viribus, habitu corporis, victu prægresso, consuetudine, regione, & his similibus aliis.

Q U Æ S T I O XIV.

An arterias fecare liceat?

Galenus scribit l. de cur. rat. per S. M. c. 22. Medicos haud facile ad arteriotomiam accedere: tum quia sanguis arteriosus sectâ arteriâ agrè admodum compescitur: tum quia vulnus arterie aneurisma ut plurimum consequitur. Addit insuper cap. 23. novisse se quosdam, qui, postquam secta esset arteria in cubito, expirârint: alii quidem in curâ gangrænæ, quæ subsequuta: alii verò in sanatione aneurismatis, quod sectionis arteriarum comes ut plurimum esse solet. Fateatur tamen c. 22. incisas à quibusdam fuisse arterias minutiones in temporibus, & post aures: In illis quidem, cum calidæ & spirituosæ fluxiones oculos infestâssent. Post has autem, cum vertigo & diurni, yq; calidi & spirituosæ dolores caput corripuissent. Et cap. ult. libri citati refert, si cuius se arterias, tum in summis artubus, tum in cavite: idq; fecisse per insomnia monitum. Secuisse verò illas in omnibus doloribus, qui à calidâ spirituosâq; substantiâ prodire videbantur. Itaq; parvas arterias aperiri posse concedimus: sed non nisi urgente necessitate magnâ: & âperiri volumus à cheirurgo perito, qui sectas rectè tractare nòrit. A magnarum autem incisione abstinemus. Nam & sanguis inde erumpens agrè sistitur: & vulnus difficulter, ob motum, & duri- tiem ac siccitatem earum, consolidatur: & aneurisma ut plurimum consequitur, quod curationis est difficilis: & agri ob vitalium spirituum dissipationem valdè debiliuntur.

F I N I S.